



Na osnovu člana 95. Statuta Općine Travnik (Prečišćeni tekst "Službene novine Općine Travnik", broj 11/05) i Odredbi Programa utroška sredstava iz Budžeta Općine Travnik subvencije za podsticaj razvoja poduzetništva i obrta u 2023. godini, Općina Travnik raspisuje:

**JAVNI POZIV**  
**za dodjelu sredstava iz Budžeta Općine Travnik- Subvencije za podsticaj razvoja,**  
**poduzetništva i obrta za 2023. godinu**

**I PREDMET**

Program utroška sredstava iz budžeta Općine – Subvencije za podsticaj razvoja, poduzetništva i obrta za 2023 g. temelji se na odobrenim sredstvima za ovu namjenu u Budžetu Općine Travnik za 2023.g sa pozicije „Subvencije za podsticaj razvoja, poduzetništva i obrta“.

Raspoloživi, neutrošeni, iznos sredstava za subvencije podsticaja razvoja, poduzetništva i obrta u 2023. godini utrošit će se za refundaciju troškova obavljanja obrtničke djelatnosti i djelatnosti iz IT sektora.

Podsticajna sredstva namijenjena su za sufinansiranje troškova nabavke mašina, opreme, razvoj novih vještina, unapređenje poslovanja, unapređenje prodaje i plasmana proizvoda u iznosu od 3.000,00 KM do 7.000,00 KM po korisniku. Komisija će na osnovu poslovnog plana definisati iznos sredstava po korisniku.

**II KRITERIJI**

Kriteriji za dodjelu:

Kriterij	Maksimalni broj bodova	
Broj zaposlenih	Po svakom zaposlenom dodijelit će se 10 bodova	
Udio vlastitih sredstava u nabavci opreme	10%	5 bodova
	20%	10 bodova
	30%	15 bodova
	više od 30%	20 bodova
Stepen inovativnosti poslovnog plana	Poslovna ideja je u potpunosti inovativna	10 bodova
	Poslovna ideja je djelimično inovativna	5 bodova
	Poslovna ideja nije inovativna	0 bodova
Ocjena poslovnog plana	Poslovni plan je provodiv (poslovni plan je jasno predstavljen)	10 bodova
	Poslovni plan je djelimično provodiv (poslovni plan je djelimično jasno predstavljen)	5 bodova
	Poslovni plan nije provodiv (poslovni plan nije jasno predstavljen)	0 bodova

**III PRAVO UČEŠĆA**

Pravo učešća u Javnom pozivu po ovom Programu imaju sva lica sa prijavljenim mjestom prebivališta na području Općine Travnik koja su registrovala ili će registrovati **obrtičke djelatnosti i djelatnost iz IT sektora** na području Općine Travnik.

Aplikant može podnijeti samo jedan zahtjev za sredstvima.

#### IV IZUZEĆE OD PRAVA NA PODSTICAJ

Podsticaj po ovom programu ne može se dodjeliti za:

- a) organizaciju igara na sreću, kockanja i klađenja,
- b) proizvodnja i prodaja duhanskih proizvoda
- c) proizvodnju i prodaju alkoholnih pića

Učešće na Javnom pozivu ne mogu uzeti poduzetnici koji su do sada ostvarivali podsticaje iz Budžeta Općine Travnik u 2020., 2021. i 2022. godini, niti koji su dobili sredstva u projektima koje su provodile druge organizacije u saradnji sa Općinom Travnik

#### IV DOKUMENTACIJA

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- Uvjerenje o prebivalištu (CIPS)
- Rješenje o registraciji djelatnosti ili Uvjerenje PIO/MIO da lice nije osigurano ni po kom osnovu
- Uvjerenje Porezne uprave da obrtnik nema obaveza po osnovu poreza (za one koji su registrovani)
- Biznis plan sa predviđenim budžetom i planom aktivnosti
- Ovjerenu izjavu da će nakon odobravanja podsticajnih sredstava, registrovanu djelatnost održavati u trajanju od najmanje 12 mjeseci od dana potpisivanja Ugovora o realizaciji Programa, a o čemu će se vršiti provjera uvidom u Registar djelatnosti koji se vode u Općini, te posjetama korisnicima koji su ostvarili podsticaj od strane predstavnika Komisije, Poduzetnici koji se odjave prije isteka roka od 12 mjeseci dužni su da vrate dobivena sredstva,
- Ovjerenu Izjava da u 2020., 2021, i 2022. godini nisu ostvarili podsticaje u Općini Travnik, niti su dobili sredstva u projektima koje su provodile druge organizacije u saradnji sa Općinom Travnik.
- Ovjereni Izjava da će zaposliti broj osoba naveden u biznis planu.

Dostavljeni dokumenti mogu biti originalni dokumenti ili ovjerene kopije.

#### V ROKOVI ZA PODNOŠENJE PRIJAVA

Javni poziv za dodjelu sredstava iz budžeta Općine Travnik- subvencije za podsticaj razvoja poduzetništva i obrta za 2023. godinu ostaje otvoren 15 dana od dana objavljivanja.

Prijave na Javni poziv sa potrebnom dokumentacijom predaju se na protokol Općine Travnik ili putem pošte na adresu:

Općina Travnik  
Služba za razvoj, privredu i vanprivredu  
Ul. Konatur bb  
72270 Travnik

Prijave se podnose u zatvorenoj koverti sa naznakom „Prijava na javni poziv za dodjelu sredstava iz Budžeta Općine Travnik - subvencije za podsticaj razvoja poduzetništva i obrta za 2023 godinu“ sa naznakom „Ne otvaraj“.

Nepotpune i neblagovremene prijave neće se uzimati u razmatranje.

Liste odabranih korisnika bit će objavljene na oglasnim pločama i web stranici Općine Travnik.

Broj: 01-01-04-11-786/20-1  
Datum: 22.09.2023. g.

**N A Č E L N I K**  
P.O. *[Signature]*  
**dr. sci, Kenan Dautović,**